

浮山縣志卷三十七

災祥

昔周設保章氏以察妖祥春秋列國太史各省其國之所屬辦其吉凶浮雖一邑其地大於陳蔡滕薛諸封多矣夫惟識微之君子遇祥不喜遇災不玩鑒往事以恐懼修省雖雉鼎祥桑皆家國之吉矣志災祥

陶唐

堯之庭有草生焉曰蓂莢十五之前日生一葉十五之後日落一葉小建則一葉厭而不落觀之可以知旬朔故又名歷草史記堯時蓂莢夾階而生舜亦如之帝王世紀或云卽朱草按大戴禮朱草日生一莢至十五日

浮山縣志

卷三十七 災祥

一

後日落一葉周而復始則蓂莢類爾孝經援神契云朱草生蓂莢孳乃二物也抱朴子又名仙茅云

聖王仁功濟天下者堯也天降精於庭爲蕤感百陰而爲萑蒲

世紀典術通志按吳堯在位七年麒麟遊於藪澤唐書堯即政氏本草萑蒲名堯蕤

七十載德政清平北隆伏羲鳳凰巢於阿閣驩林尚書堯爲仁

君一日十瑞宮中芻化爲禾鳳凰至於庭神龍見於宮沼歷草

生堦宮禽五色鳥化白神水生蓮簾蒲生厨景星耀於天甘露

降於地是爲十瑞任昉述異記堯時有屈軼草佞人入朝則屈而指

之名指佞草博物志堯時嘉禾七莖三十五穗詩含神霧陶唐之世南

夷有越裳氏重譯來朝獻神龜蓋千歲方三尺餘背有科斗文

記開闢以來堯命錄之謂之龜歷鄭樵通志堯遭洪水而民無菜色楊震

傳 桐挺東廂於是訪桐以定閏史路 日月如合璧五星如連珠符宋

志瑞 堯率舜等遊首山觀河渚有五老飛為流星上入昴論語 堯

遊河渚赤龍負圖以出圖赤如綈春秋元 堯時三年耕餘一年

食謂之升平九年耕餘三年食謂之登平二十年耕餘七年食

謂之太平兔園策注 太平之時雲則五色而為慶三色而成裔呂氏春秋

通志按舊志五色雲現於長子之南山經日不散因名山為雲

箠脯生於厨符瑞志 箠脯一名倚扇狀如蓬大枝葉小根

堯時有獬廌緝其毛為帝帳田俵子 張揖漢書生曰獬廌

朝廷觸不直者 又論衡云廌一角羊也青色四足或曰似熊

罪疑者令 又述異記云獬豸者一角之羊也性知人有罪臯陶治獄其

浮山縣志

卷二十七 災祥

二

上有五色文春秋緯

虞

帝舜有虞氏十四年卿雲見竹書紀年

周

幽王三年冬大震電竹書紀年

襄王三年雨金於晉竹書紀年

靈王十四年秋八月丁巳日有食之董仲舒劉向以為晉大夫

專政之象

貞定王三年乙亥晉地震綱目前編

考王八年彗星見 十三年癸丑無雲而雷舊通志 桃李冬實綱目

威烈王三年晉大旱地生鹽竹書紀年冬十一月晉有大火下於北

方其聲如鼓 四年四月晉大雨雪

安王十五年魏大風晝昏竹書紀年

顯王九年魏彗星見 十年魏星晝墜有聲史記

秦

始皇四年晉大雪舊通志

漢

文帝三年秋天天下旱漢五行志

景帝中三年正月丁亥金木合於觜觿為白衣之會三月丁酉

浮山縣志

卷三十七 災祥

三

彗星夜見西北色白長丈在觜觿旦去益小十五日不見

五年四月乙巳水火合於參天文志

景帝後二年秋晉大旱冬十月日月皆赤十二月雷日色如紫

五星逆行太微月貫天街中舊通志

宣帝本始元年四月壬戌甲夜辰星與參出西方天文志

元帝五年夏四月有星孛於參漢書

哀帝建平元年十二月白氣出西南從地上至天出參下貫天

厠廣如一疋布長十餘丈十餘日去天文志按舊志訛作元帝永光元年

後漢

光武帝建武十二年雨雹大如杯壞敗吏民廬舍五行志注

章帝建初五年二月戊辰木火俱在參古今注

和帝永元元年正月辛卯有流星起參長四丈有光色黃白古

今注曰癸亥鎮在參 七年二月癸酉金火俱在參 十六

年四月戊午客星從紫宮西行至昂天文志

安帝元初元年六月丁巳河東地陷

延光二年春正月河東大風三月河東大風拔樹

桓帝建和元年秋七月河東言木連理後漢書 河東有嘉瓜兩體

同蒂宋符瑞志

永壽三年七月河東地裂

靈帝建寧四年五月河東雨雪山水大出漂壞廬舍五百餘家

浮山縣志

卷三十七災祥

四

注袁山松書曰是河東水暴出也河東地裂十二處裂合長

十里百七十步廣者三十餘步深不見底五行志

晉

武帝咸寧二年八月庚辰地震晉五行志

太康元年雨雪傷禾麥三豆五行志

惠帝永寧元年十月風雹折木傷稼五行志

北魏

永平三年夏四月禽昌襄陵二縣大疫自正月至此月死者

二千七百三十人北史

孝明帝熙平元年十二月甲辰月暈東井觜參五車占曰大旱

天象志

出帝永熙元年十一月辛丑有大流星出昴北東南流轆畢貫

參光明照地有聲如雷

天象志

東魏

孝靜帝天平四年四月乙酉并肆汾建晉東雍南汾秦陝九州

霜旱人饑流散開倉賑恤

北齊書

元象元年八月東雍州獻嘉禾

靈徵志

武定六年五月晉州上言木連理

北齊

武成帝河清二年四月并汾晉東雍南汾五州蟲旱傷稼遣使

浮山縣志

卷二十七 災祥

五

賑恤十二月大雨雪連月南北千餘里平地數尺霜晝下

北齊書

書

隋

文帝開皇二十一年十一月戊子立晉王廣為太子是日天下

地震

煬帝大業八年天下旱百姓流亡六軍凍餒死者十八九

五行志

唐

太宗貞觀二十三年冬十一月乙丑晉地震給復二年賜壓死

者人絹三疋

舊書千餘人按五行志河東地震晉州尤甚壓死五

高宗永徽元年四月己巳晉州地震 二年冬十月辛卯晉州

地震舊書

武后垂拱三年天下饑五行志

元宗開元十五年天寶三年正月改年曰載晉州大水五行志

肅宗乾元二年至德三年二月改載仍曰年四月丁巳有彗星色白長四尺

東方疾行歷畢昴觜觿參至右執法西凡五旬餘昴畢為趙

參為唐天文志

代宗廣德二年十二月丙寅有長星出於參舊書天文志其

參唐星也九年晉州神山縣慶唐觀枯檜復生五行志舊通志

十年九月戊申月暈熒惑畢昴參東及五車暈中有黑氣乍合乍散十二月丙子月出東方上有白氣十餘道如匹練貫

浮山縣志

卷三十七災祥

六

五車及畢觜觿參中夜散去占曰其宿則晉分也天文志

憲宗元和十二年六月晉州水害稼五行志

宣宗大中六年三月有彗星出於觜參天文志云

懿宗咸通三年十二月晉州地震五行志云壞廬舍地八年正

月丁未地大震五行志云河中晉絳三州地震壞廬舍人有死者

僖宗乾符五年秋大霖雨河水溢流害稼 中和三年晉州地

震

五代迄明洪厓子墓萬年燈屢見屢隱

五代晉

廢帝天福八年四月天下諸道飛蝗害稼食草木葉皆盡

宋

太祖建隆二年七月邑之北谷中有鐵隨水流方二丈三尺其重七千觔 三年晉州民家多生魃 宋志 十二月戊戌晉

州饑賑之 宋史

乾德元年二月辛亥晉州饑命發廩賑之 宋史

太宗淳化二年晉州旱 宋史

眞宗景德二年晉州及神山縣甘露降 五行志

大中祥符八年八月邑之慶唐觀古柏中生槐長一丈有餘

仁宗天聖三年冬晉州饑發粟賑之 宋史

明道二年河東蝗

浮山縣志

卷二十七 災祥

七

神宗熙甯四年四月二日晉州禾異壟同穗 五行志

哲宗元符元年晉州禾合穗 五行志

徽宗建中靖國元年晉州禾合穗 五行志

崇甯元年春正月丁丑地震詔賜錢有差 宋史

宣和二年諸路蝗

遼

太宗會同四年九月壬申有星孛於晉分 遼史

金

後廢帝大安元年十一月丙申平陽地震有聲自西北來戊戌夜又震自此時復震動浮山縣尤劇城廨居民圯者十七八

死者凡二三千人詔平陽地震人戶三人死者免租二年二人及傷者免一年貧民死者給葬錢五千傷者三千六月大旱賑貧民闕食者

五行志

宣宗興定三年五月壬子太白晝見於參

金史

元
世祖至元十三年平陽路旱 十八年三月平陽等路饑民流移就食有饑而死者

成宗元貞元年七月旱蝗

大德七年八月地大震 九年五月癸亥以地震改平陽路爲晉甯路六月晉甯等郡大雨雹害稼嘉禾生 十年閏正

浮山縣志

卷三十七

災祥

八

月晉甯地震不止 十一年七月甯路水

武宗至大元年五月晉甯等處蝗

五行志

仁宗皇慶二年三月晉甯饑

元史

延祐二年正月戊辰晉甯等處民饑給鈔賑之 三年九月

己未晉甯等郡地震

五行志

泰定帝泰定元年六月晉甯饑 四年八月晉甯旱

元史

政和元年三月晉甯路饑賑之

文宗天歷二月癸丑晉甯路饑

五行志

至順元年七月蝗閏七月辛卯隕霜殺稼 二年四月大旱不能種告饑六月蝗

順帝至正七年十二月晉寧饑 十九年九月丙午夜白虹貫天 二十三年九月庚申平陽路有白氣三道一貫北極一貫北斗一貫天漢至夜分乃滅

明

洪武永樂成化洪治間洪厓子墓萬年燈屢見其光甚盛

宣宗宣德三年山西大饑流移十萬餘口

英宗正統六年山西民饑

憲宗成化十二年山西京師黑眚見 二十年大旱餓殍盈野

二十一年正月朔日地震者三是年民大饑人多相食

孝宗洪治十八年乙丑春夏無雨河東州縣大旱禾稼枯死秋

浮山縣志

卷三十七

災祥

九

田未種赤地遍野米價騰湧民飢無食多有剝樹皮以充飢者

世宗嘉靖三十四年十二月地大震聲如雷壞廬舍壓死者甚衆月餘始息

穆宗隆慶二年旱蝗

神宗萬曆十三年冬至六月無雨 十四年大旱赤地千里餓莩盈野疫癘死者枕藉三月發帑賑之 三十四年夏五月星晝見十餘日 三十八年旱飢秋八年疫癘多喉痺一二日輒死 四十年大疫 四十三年蝗蝻害稼 四十三年乙卯萬年燈復見是年高捷登鄉科邑自陳孜成化壬辰得

第後至此已百有餘年高捷始登科識者謂爲科名之瑞應云
懷宗崇禎十二年蝗蝻食禾十四年以累歲大旱洊饑粟貴如珠百姓食糟糠剝樹皮掘草根甚至人相食鬻子女僅易一殮在襁褓者父母棄之道路不顧而去商旅不敢獨行餓殍盈野慘不忍目

清

聖祖康熙元年黃河清 壬子萬年燈復見閃爍燁煌有似蓮炬是年喬昌齡登鄉科 十六年邑東四十里橫嶺乃通上黨一帶大路居民客舍在焉汲道維艱人甚苦之十月間道

浮山縣志

卷二十七 災祥

十

旁突出數泉色清味甘居民便之知縣潘廷侯詳其事上憲均褒獎之 三十年六月大旱蝗發穀賑濟仍蠲免田租三十一年又旱上年蝗生子名蝻爲災無禾民饑 三十二年大有麥 三十四年四月初六日亥時地大震臨汾洪洞翼城浮山尤甚壞廬舍十之五壓死者數萬餘人民皆野處乃發帑散賑又給貧民修葺銀每間一兩并發西安庫帑修築城垣官廨學舍百姓困苦者數十年 三十七年夏旱民饑瘟疫盛行乃蠲免二年錢糧仍發倉穀賑濟 四十三年邑東二十里南原上民間耕牛產麟其角肉鈴麟奇異有如繪形里民慮報官滋擾數日不給食而斃自產麟之後浮邑

人民漸有起色 五十五年夏五月楊村河史壁一帶水雹
如鵝卵打禾殆盡 五十六年三月天鼓鳴洪 子萬年燈
見是科丁酉席豐張大統同登鄉薦 五十九年秋不雨無
禾冬復無雪 六十年大旱自春至夏無雨赤地數千里蔘
飢市斗米五錢府大斗米八錢民飢乏食樹皮草根剝掘殆
盡合邑紳士各捐粟銀不等在城隍廟擇極貧不能舉火者
按口按日散米濟賑更賴商販粟米自湖廣江南山東河南
輓運至清化復資騾驢由太行山路一帶晝夜絡繹不絕運
至平屬民得以生旋蒙遣左都御史朱公軾賚帑散賑維時
浮邑百姓無流離逃竄之苦至六月初旬始雨二十六日大
雨四野霑足穀黍廣布嗣是夜雨晝晴秋禾大稔

浮山縣志

卷三十七

災祥

十一

世宗雍正三年大稔 四年大有年 五年秋大有年 六年
春疫大熟 七年大稔是年八月以山西連歲豐登特免通
省庚戌年地丁銀四十萬兩以示勸勵冬十有一月又以民
人踴躍急公辦駱駝鞍屨不勞而集復蠲免通省辛亥年地
丁銀二十萬兩 八年大熟 九年大有麥秋禾大豐瑞穀
盈野 十年洪厓子萬年燈復見是科壬子張景灝登鄉薦
乾隆元年大有麥 八年閏四月初八日戌時有星自東北
流於西南光明照地頃之聲震如雷夏五月大熱道路行人
多有斃者京師更甚浮人在京貿易亦有熱斃者六月大雨

迅雷城內幼童年十六被電擊斃西鄉亦有震斃人畜者是
歲鄰封被雷震斃者甚多秋彗星見西方色白長三丈餘閱
月乃沒 九年六月初二日午刻大雨有龍飛人民間樓舍
須臾煙火內起樓盡焚十一月初三日大雪 十年正月朔
日雨雪十二日有大星晨墜自東而西頃之有聲四月初四
日地微震

嘉慶九年旱麥不熟平陽飢乃緩徵仍給賑有差

道光二十六年秋飢 二十七年夏無麥秋大熟

同治八年大有麥

光緒三年大旱麥薄收秋大飢乃開倉賑濟蠲免田租 是

年旱魃爲災入秋愈甚自七月無雨至於十月禾苗盡枯麥
種未播民飢餬口無資搜食樹皮草根甚有人相食者餓莩
相望慘不忍言時皖江曾公沅甫適撫晉疆奏請開倉賑濟
仍慮倉穀不支備籌款項因糧他省緣途轉運分撥俾資接
濟 四年春大疫夏無麥六月旱秋霖雨損稼蒙加賑蠲免
田租 歲當災祲之餘麥秋不繼粟價屢昂斗米價銀值至
二兩五錢麥亦如之貧民飢餒益迫糞種無資由是毀家失
業者甚多加以秋成再歉而富室亦空沃產良田反成累贅
幸蒙

曾公申奏仍行撥款加賑

浮邑奉撥共領到小麥漕糧八千一百一十石賑至五年五月乃止

以紓積困閭閻漸有起色一邑遺民實蒙再造 五年春旱

麥薄收乃緩徵並給民牛馬籽種 浮邑奉撥共領到牛一百二十七頭馬八十一匹減

價出售即以所售價值作為籽種之費散給貧民 令墾荒田 秋熟仍免田租之半

是年上忙錢糧緩至秋後帶徵大侵之後積困方蘇雖經秋獲猶恐兩忙並徵民力未逮特蒙爵憲奏請蠲免

六年夏始大稔

清

光緒十八年冬大寒樹木凍斃 二十六年大旱麥僅數寸畝

收二三升秋霜殺稼斗粟千五百人有餓斃者 二十七年

二十八年均報旱災緩征田賦 二十九年大有麥是年六

月十九夜霹靂一聲風雨驟至邑東楊家坡大風拔木禾盡

浮山縣志

卷三十七 災祥

十三

偃某家狗被風吹至天空趙姓小車不翼而飛 三十四年

夏四月大雨雪麥已秀為之凍稿

宣統三年秋太白再經天冬彗星出西方 是年川路事起

民國

四年夏四月無雲而雷 九年冬十一月地大震房舍搖動鷄

犬驚吠 十八年十一月大雪平地厚二三尺樹木又凍斃

十九年四月初有大旋風起臨邑堯廟宮人盡伏互相抱

摟牲畜有被風捲去無踪者邑交頭河小廟為風吹塌磚瓦

被風捲之數里外香貫貫裡數村麥稭積多為風吹倒四散

飛去 二十三年夏七月大熱人有熱斃者其酷熱為數十

年所未有

浮山縣志

卷二十七 災祥

十四